

Na osnovu članka 16. stavak 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa člancima 40. 46. Zakona o izvršavanju Proračuna Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), na prijedlog Kantonalne direkcije robnih rezervi, Vlada Zeničko-dobojskog kantona, na 14. sjednici, održanoj dana 11.04.2023. godine, d o n o s i

ZAKLJUČAK

I.

Usvaja se Programu utroška sredstava za osiguranje skladišnog prostora za skladištenje roba robnih rezervi, u razdjelu 25, proračunske organizacije 01, potrošačka jedinica 0001, Proračuna Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), ekonomski kod 613 000, analitički konto 613 600, pozicija „Unajmljivanje imovine i opreme“ u iznosu od 55.000,00 KM (slovima: pedesetpettisuća konvertibilnih maraka) i čini sastavni dio ovog zaključka.

II.

Sredstva planirana ovim Programom utroška sredstava, realizirat će se u skladu sa Zakonom o javnim nabavkama („Službeni glasnik Bosne i Hercegovine“, broj: 39/14 i 59/22).

III.

Za realizaciju ovog zaključka zadužuju se Kantonalna direkcija robnih rezervi i Ministarstvo financija, svatko u okviru svoje nadležnosti.

IV.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23

Datum, 11.04.2023. godine

Z e n i c a

DOSTAVLJENO:

1x Kantonalna direkcija robnih rezervi,

1x Ministarstvo financija,

1x a/a.

PROGRAM
utroška sredstava za osiguranje skladišnog prostora

Podaci o Programu

1. Program je usvojen: Na 14. sjednici Vlade Zeničko-dobojskog kantona održanoj dana 11.04.2023.godine
2. Period realizacije Programa: I-II kvartal 2023. godina
3. Ukupna vrijednost Programa: 55.000,00 KM
4. Namjena Programa: Osiguranje skladišnog prostora za potrebe robnih rezervi Zeničko-dobojskog kantona
5. Korisnici Programa: Realizacijom programa osigurat će se skladišni prostor za Kantonalnu direkciju robnih rezervi i druge organe uprave Zeničko-dobojskog kantona
6. Izvor sredstava: Proračunska sredstva u razdjelu 25, proračunske organizacije 01, potrošačka jedinica 0001, Proračuna Zeničko-dobojskog kantona za 2023. godinu ("Službene novine Zeničko-dobojskog kantona", broj: 3/23) ekonomski kod 613 000, analitički konto 613 600, pozicija "Unajmljivanje imovine i opreme" u iznosu 55.000,00 KM (slovima: pedesetpettisuća konvertibilnih maraka) i čini sastavni dio ovog zaključka.
7. Odgovorna osoba: Direktor Zoran Martinović

I UVOD

Sukladno članku 15. Zakona o robnim rezervama Zeničko-dobojskog kantona ("Službene novine Zeničko-dobojskog kantona", br. 13/97), radi smještaja i čuvanja robnih rezervi osigurava se odgovarajući skladišni prostor: izgradnjom vlastitog prostora, zajedničkim ulaganjem, kupovinom i zakupom na području Kantona. Kantonalna direkcija robnih rezervi Zeničko-dobojskog kantona, od svog osnivanja 1997. godine, osigurava skladišni prostor za svoje potrebe ali i potrebe kantonalnih ministarstva i dr. kantonalnih tijela uprave, temeljem ugovora o zakupu tipske jednobrodne hale, koja je trenutno u vlasništvu Željezara "ZENICA" d.o.o. "U STEČAJU". Osim toga, imajući u vidu kratke rokove upotrebe prehrambenih proizvoda i visoke troškove obnavljanja istih, jasno je da je neizbježan i najprihvatljiviji vid skladištenja istih kod tzv. "vanjskih skladištara" - pravnih osoba, koji imaju kapacitete za skladištenje i obnavljanje istih. Poduzeća s kojima Kantonalna direkcija robnih rezervi sklapa ugovore i kojima je povjereno skladištenje, čuvanje i obnavljanje robnih rezervi dužna su osigurati sve higijensko-tehničke i zdravstvene uvjete za održavanje robnih rezervi u ispravnom stanju, pravilno rukovanje i fizičku zaštitu, kao i tajnost podataka, a u slučaju uništenja, otuđenja ili korištenja robe suprotno odredbama potpisanog ugovora, naknaditi štetu Kantonalnoj direkciji robnih rezervi Zeničko-dobojskog kantona.

II IZVOR SREDSTAVA ZA REALIZACIJU PROGRAMA

Proračunom Zeničko-dobojskog kantona za 2023. godinu ("Službene novine Zeničko-dobojskog kantona", broj: 3/23) ekonomski kod 613 000, analitički konto 613 600, pozicija "Unajmljivanje imovine i opreme", osigurana su sredstva u ukupnom iznosu od 30.000,00 KM.

Imajući u vidu da će, ukoliko se potpiše novi ugovor, pod istim uvjetima, sa Željezaram „ZENICA“ d.o.o. „U STEČAJU“, visina zakupa hale na godišnjoj razini iznositi 22.470, 00 KM, te da je istekom 2022. godine potpisan Ugovor o skladištenju i obnavljanu brašna sa „Mlini pek“ d.o.o. D. Golubnja, u iznosi 11.863,80 KM, na godišnjoj razini, jasno je da će se realizacijom Plana robnih rezervi za 2023, stvoriti dodatne obveze po pitanju osiguranja skladišnog prostora za skladištenje roba robnih rezervi, i da će se morati osigurati dodatna sredstva za ove namjene preraspodjelom na razdjelu 25, cca 25.000,00 KM planirana na poziciji 821 400 –Nabavka ostalih stalnih sredstava, na poziciju 613 600 – Unajmljivanje imovine i opreme, kako je to definirano člankom 5. stavak (2) Plana robnih rezervi Zeničko-dobojskog kantona za 2023. godinu.

III NAMJENA SREDSTAVA

Sredstva u iznosu od 22.470,00 KM, namjenjena su za osiguranje skladišnog prostora za potrebe Kantonalne direkcije robnih rezervi, Kantonalne uprave civilne zaštite i drugih organa uprave Zeničko-dobojskog kantona. Imajući u vidu da smo od nadležnih iz Željezara „ZENICA“ d.o.o. „U STEČAJU“, dobili ponudu za potpisivanje novog ugovora na period od godinu dana, pod istim uvjetima definiranim dosadašnjim Ugovorom o zakupu tipske jednobrodne hale, broj: 17-14-8202-2/19. od 21.05.2019. godine, namjera je da se poštujući odredbe članka 10. pod e) Zakona o javnim nabavkama („Službeni glasnik BiH“, br. 39/14 i

59/22), pokrenu sve potrebne procedure za osiguranje ovog skladišnog prostora.

Sredstva u iznosu od 11.863,80 KM, namijenjena su ovim programom za izvršenje obveza proisteklih potpisivanjem Ugovora o nabavci, skladištenju i znavljanju brašna tip 500, pakovanje 25/1, broj: 17-11-15751-9/22. od 29.11.2022. godine, na period od tri godine.

Preostala sredstva od cca 25.000,00 KM namijenjena su za osiguranje skladišnog prostora i obnavljanje prehrambenih proizvoda, kod „vanjskih skladištara“, za sve nabavljene prehrambene proizvode u 2022. i 2023. godini, s kratkim rokovima trajanja.

Procijenjena vrijednost ovih roba temeljna je na istraživanju tržišta, no jasno treba naglasiti, da se cijene mijenjaju na dnevnoj bazi i da će krajnji iznos zavisiti od važećih cijena u trenutku objave javnog poziva za dostavljanje ponuda i provedenih procedura predviđenih Zakonom o javnim nabavkama ("Službeni glasnik BiH", br. 39/14 i 59/22).

IV KRITERIJI ZA KORIŠTENJE SREDSTAVA

Kriteriji za korištenje sredstava su:

Potpisan Ugovor o zakupu dijela tipske jednodobrodne hale br.3, površine 1080 m², na lokalitetu Šljivik, ul. Kralja Tvrtka I br.17, u vlasništvu ŽELJEZARA "ZENICA" d.o.o. "U STEČAJU", na period od jedne godine. Na osnovu potpisanog Ugovora i Protokola o zajedničkom korištenju, zakupodavac će do 15. u mjesecu, za protekli mjesec, ukupan iznos za zakup od 3.745,00 KM podijeliti na dva jednaka dijela od po 1.872,50 KM i fakturirati na ime Kantonalne direkcije robnih rezervi i Kantonalne uprave civilne zaštite.

Potpisan ugovor o nabavci, skladištenju i znavljanju brašna T 500, pakovanje 25/1 broj: 17-11-15751-9/22. od 29.11.2022. godine i ugovori koji će biti potpisani za smještaj i obnavljanje prehrambenih proizvoda s kratkim rokom trajanja.

V REALIZACIJA PROGRAMA

Program će se realizirati u vremenu trajanja Ugovora.

PREMIJER

Broj: 02- /23

Datum, 11.04.2023. godine

Z e n i c a

Amra Mehmedić

DOSTAVLJENO:

1x Kantonalna direkcija robnih rezervi,

1x Ministarstvo financija,

1x a/a.